



ATASSUT

UPA 2017/55

Mala Høy Kúko

17.05.2017

Siunissami aalisarsinnaanermut akuersissutip aqutsisoqarfimmi ataasiinnarmi atorneqartalernissaa - taamatullu aqutsisoqarfiup "Kalaallit Nunaata sinnerata" siunissami aqutsivinnut immikkoortunut arfinilinnut aggornilersorneqarnissaa (Maniitsoq, Paamiut, Qaanaaq, Sisimiut, Kalaallit Nunaata kujataa aamma Tasiilaq) anguniarlugu sinerissamut qanittumi qaleralinniarneq pillugu nalunaarut allannngorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Michael Rosing, Demokraatit)

Inatsisartuni ilaasortaq Michael Rosing, Demokraatineersoq siunnersuutaanut imaattumik naatsumik ATASSUT-miit oqaaseqassaagut.

ATASSUT-it politikkimikkut pingaartitariuarpaa aalisartut namminneq aalisartutut inuussutissarsiorsinnaanermikkut siuariartornissamik ingerlatsinissaat. Kalaallit nunattami nappataata annersarisaat ATASSUT-minngaaniit tapersersortuassavarput. Kinguaariit nikikkiartornerminni namminneq aalisarnermik inerisaaqataanerat sulimut ullutsinni ingerlasoq sulii annermik tapersersorneqarnissaminnut pingaartitsiuassapput. Kisianni aamma mianersussaagut aalisakkat aalisarneqartut tamaasa nungunniarsaralugit nungunniissaat angullugit aalisassallugit, taamaammat piujuaannarnissamik siunertaqarluta aamma pinngortitaleriffiup suleqatigilluarnissaa pingaartittuassavarput.

Ullutsinnimi malunnarsiartorpoq soorlu Nuuk-mi aalisarneq annertuumik ingerlanneqartoq, tamanna imminermi ajunngilaq, kisianni siunissaq eqqarsaatigissagaanni peqqissaartumik ingerlatsinngikkutta kinguaassagut pisasaqartinnagit oqimaattorsiortissavagut.

Siunnersuuteqartup oqariartuutimigut siunnersuutaa ATASSUT-miit paasillugu tiguarpud. Aammalu Naalakkersuisut oqariartuuteqarnerat tusaallugu. Siunnersuut ammaffigalugu ataatsimiititaliami ingerlanneqarnissaa kisaatigissuarpud.

Qujanaq